

100 хөөнәс 125 хургъ авб

Сарпинск района „Гигант“ колхозин ах хөбч ұр Никитенко Иван Климович эврәннь хәләджәх нәәднр хөбдәсн дундлад 100 хөн болгънас 120 хургъ, хөн болгънас 6,5 килограмм ноос киргълж авнав гидж даалгъвр авла. Тер даалгъвран давулдж кўцәхин төхөбдән сәәнәр асрад, ус-килмджән өгәд хәләснә ашнь сән болдж гарв.

Тави сарин эргил хөбдәснь нег чигн гару уга, таргън-цадхлнь. Ёр Никитенкон отарнь февралин 5-с авн эклдж хургълла, ода хөбднь цугтан хургълчкв. Зун хөн болгънас 125 хургъ авсн баәнә. Хургъднь цугъар эрүл-менд.

Ах хөбч ұр Никитенкон отарт хойрдгч хөбч болдж ұр Буваев Михаил Васильевич эврәннь гергтәгъән көдлджәнә. Буваевиг цугъар таасна. Хөбсклгънә, әсрлгъна тускар ұр Буваев сән дамшлтта кўн.

Эн отарт сакманщик болдж ВЛКСМ-н член ұр Никитенко Лида көдлдж, эцкдән сән дөнъ-нөкд болджана.

Модна урч болдж көдлджәх ұр Дубаненко П. ах хөбч ұр Никитенкон отарт дулан катг тосхдж өгв. Туугән тосхад дуусчкад, ұр Дубаненко эн отарт үлддж, сакманщикәр көдлджәнә.

П. ВЯТКИН.